



Број/Број: 01,02-34-6-1429/09
Сарајево/Sarajevo, 24.12.2009.

S M J E R N I C E
о основима сарадње парламентарног војног повјереника БиХ с Институцијом
ombudsmena за људска права БиХ

Sarajevo, decembar 2009.

Na osnovu člana 14. stav (1) Zakona o parlamentarnom vojnom povjereniku BiH ("Službeni glasnik BiH", broj 51/09) parlamentarni vojni povjerenik BiH d o n o s i

S M J E R N I C E
o osnovama saradnje parlamentarnog vojnog povjerenika BiH s Institucijom
ombudsmena za ljudska prava BiH

I. Predmet

Ovim smjernicama se, u skladu sa Zakonom o parlamentarnom vojnom povjereniku BiH (u daljnjem tekstu: Zakon) definišu odnosi parlamentarnog vojnog povjerenika BiH (u daljnjem tekstu: Vojni povjerenik) s Institucijom ombudsmena za ljudska prava BiH u provođenju parlamentarne kontrole rada i drugih pitanja u oblasti zaštite ljudskih prava i sloboda vezanih za vojna lica i kadete u Oružanim snagama BiH i Ministarstvu odbrane BiH.

II. Principi rada i saradnje

1. Međusobni odnosi vojnog povjerenika s Institucijom ombudsmena za ljudska prava BiH zasnivaju se na ovlaštenjima utvrđenim Ustavom i zakonom, na saradnji, međusobnom informiranju i dogovaranju s ciljem unapređenja kvaliteta zaštite ljudskih prava i sloboda.
2. Poštujući navedene principe, vojni povjerenik nastojat će da uspostavi koordiniranu aktivnost s Institucijom ombudsmena za ljudska prava BiH radi razmjene predmeta shodno nadležnosti jedne i druge institucije za njihovo rješavanje u skladu sa zakonom. U tom smislu moguće je da:
 - a) Institucija ombudsmena za ljudska prava BiH, uz saglasnost podnosioca žalbe, predmet o eventualnom kršenju ljudskih prava i sloboda vojnih lica i kadeta ustupi vojnom povjereniku na daljnje postupanje;
 - b) vojni povjerenik žalbe državnih službenika o eventualnom kršenju ljudskih prava i sloboda, odnosno žalbe tzv. civilnih lica u Ministarstvu odbrane BiH i Oružanim snagama BiH ustupi Instituciji ombudsmena za ljudska prava BiH na daljnje postupanje;
 - c) Institucija ombudsmena za ljudska prava BiH i vojni povjerenik istovremeno provode nezavisne istrage po istom predmetu koji se tiče eventualnog kršenja ljudskih prava i sloboda vojnih lica i kadeta.
3. U slučaju ustupanja predmeta na rješavanje, kako je to navedeno u tač. 2 a) i b), vojni povjerenik i Institucija ombudsmena za ljudska prava BiH međusobno će razmjenjivati informacije o toku i ishodu postupka, te pružati potrebnu pomoć s ciljem njegovog uspješnog rješenja.

4. U slučaju postupanja kao u tački 2c), vojni povjerenik i Institucija ombudsmena za ljudska prava BiH mogu međusobno pružati pomoć i razmjenjivati informacije do kojih su došli u toku istrage po konkretnom predmetu.
5. Svi drugi oblici saradnje od zajedničkog interesa za obje institucije bit će uređeni posebnim aktom uz prethodno pribavljenu saglasnost Zajedničkog kolegija oba doma Parlamentarne skupštine BiH.

III. Prijelazne i završne odredbe

6. Vojni povjerenik će se, u saradnji s Institucijom ombudsmena za ljudska prava BiH, pridržavati ovih smjernica kao okvira za svoje postupanje.
7. Ove smjernice bit će objavljene na veb-stranici Parlamentarne skupštine BiH.

PARLAMENTARNI
VOJNI POVJERENIK
Boško Šiljegović